

四庫全書

史部

欽定四庫全書

金佗續編卷六

宋 岳珂 撰

絲綸傳信錄卷五

紹興四年

給降曉諭榜文省劄

三省樞密院同奉聖旨榜文劄與岳飛依此謄寫雕印  
散行曉諭即不得備坐今降聖旨指揮具知稟聞奏

右并榜文連粘在前今劄送江南西路舒蘄州兼荆南鄂岳州制置使岳承宣照會准此

報仙人關獲捷省劄

岳飛奏三年六月十七日有川陝宣撫司使臣楊祖雲齋捷報旗前赴行在稱於興州界仙人關殺金平野與金人四太子皇弟郎君見大陣獲捷乞更量進兵等事候勅旨

右三省樞密院同奉聖旨令岳飛遵依已降畫一并

榜文指揮施行今劄送江南西路舒蘄州兼荆南鄂岳州制置使岳承宣疾速施行准此

差兼黃州復州漢陽軍德安府制置使省劄

三省樞密院同奉聖旨岳飛差兼黃州復州漢陽軍德安府制置使餘依舊

右劄送江南西路舒蘄州兼荆南鄂岳黃復州漢陽軍德安府制置使岳承宣照會施行准此

措置防守襄陽隨郢等州省劄

樞密院奏勘會昨降畫一指揮出兵收復襄陽唐鄧郢州信陽軍六郡地土並委岳飛隨宜措置差官防守如城壁不堪守禦相度移治山寨或用土豪或差舊將牛皋等主管事畢大軍復回江上屯駐近據岳飛申奏已收復隨郢州襄陽府了當統率軍馬見在襄陽下營已降指揮比遣岳飛收復荆襄諸郡方此盛夏將士暴露備見勤勞深所嘉歎唐鄧事宜再行問探賊中虛實必已盡知人數多寡糧道遠近將帥姓名相距形勢並須

明審敵情察其姦計王師既勝尤當持重已復三郡如  
何防守未得州縣亦當措畫仍切激勵諸軍竭忠戮力  
能協心而徇國必懋賞以勸功軍食所須已嚴催督漕  
運繼往決無闕事指揮到日可條具聞奏今續據岳飛  
申探到偽齊添差番兵并簽軍見在新野龍陂胡陽棗  
陽縣并唐鄧州一帶屯駐大段數多見竭力措置乞詳  
察所申特降指揮施行

右三省樞密院同奉聖旨令岳飛詳度事機審料敵

情唐鄧信陽決可攻取即行進兵如未可攻先次措置襄陽隨郢如何防守務在持重終保成功董先牛皋李道等可與不可差委各守壹郡荆南德安貳鎮皆與襄陽形勢接連並是江北屏翰衝要去處荆南見有多少軍馬合與不合增添德安亦合分屯一軍相為援助逐處分撥屯軍糧道次第詳細利害速行條具今已夏末防秋不遠依元降畫一大軍復回屯守江上較其利害鄂州為重江州為次亦速相度一

狀聞奏今劄送江南西路舒蘄州兼荊鄂岳黃復州  
漢陽軍德安府制置使岳承宣疾速施行准此

照會措置防守已收復州郡省劄

一岳飛奏條具到欲駐大兵於鄂州則襄陽隨郢  
量留軍馬又於安復漢陽亦量駐兵兵勢相援漕  
運相繼荆門荆南聲援亦相接江淮荆湖皆可奠  
安六州之屯宜且以正兵六萬為固守之計就撥  
江西湖南糧斛朝廷支降券錢為一週年支遣候



將來措畫既成軍儲則朝廷易為應副糧食

勘會已降指揮岳飛收復襄陽一帶功績可嘉如委  
的探得金齊兵馬厚重勢未可以進討仰將已收復  
州郡隨宜措置或差舊將董先牛皋李道或用土豪  
主管大軍回就鄂州歇泊別聽指揮務在保守前功  
不得乘勝輕敵慮致落其計便七月十八日又奉聖  
旨劄與岳飛依已降指揮施行

一岳飛奏契勘荆南有解潛兵三千餘人若朝廷

令重兵駐鄂其荆南襄陽隨郢德安等州臣常斟  
量事勢分兵防守甚為利便臣先所乞以精兵六  
萬屯於鄂州就撥江西湖南糧斛及朝廷支降券  
錢一週年應副伏望特賜指揮施行

勘會岳飛一行錢糧除米已支三十三萬石外錢已  
支九十七萬五千貫去訖今來緣不見得本軍見今  
并回軍日每月的實比舊增減數目致約度支降未  
得七月二十八日三省樞密院同奉聖旨令岳飛將

朝廷已支降錢米據每月實支數目約度可以支降  
終至具狀申尚書省接續支降其所乞軍馬令荆湖  
南北皆有見屯官兵止緣湖賊黃誠楊么未平摘那  
未得已令王玠進兵攻討候賊平日相度於逐路差  
撥軍馬前去江上屯駐可劄與岳飛照會

檢會前劄

江南西路舒蘄州兼荆南鄂岳黃復州漢陽軍德安府  
制置使岳飛奏臣近措置遣發軍馬掩殺金齊兵衆收

復鄧州了當外有唐州信陽軍臣已調發軍馬前去收復及繼差官前去葺治所有唐鄧州信陽軍累經殘毀城壁損壞久不修治切慮日後難以保守臣已相度如逐州軍不堪防守即令移治穩便山寨如有兵馬侵犯即更切相度前來襄陽府保聚臣已差撥二千人付安撫使張旦在襄陽府屯駐及令襄陽安撫司量行分遣軍馬前去唐鄧等州以為斥候招集官吏軍民并差一百五十人往鄧州二百人往隨州駐劄臣只候先所陳

乞軍馬到來卽更行量添撥付逐州府防守措置捍禦  
外臣緣所統軍馬道路日久委是疲勞除已統率起發  
前去德安府歇泊聽候朝廷指揮候勅旨貼黃稱臣先  
條具荆襄等利害所乞軍馬等事伏乞速降指揮施行  
右三省樞密院同奉聖旨檢坐已降指揮劄與岳飛  
照會并檢會今劄送江南西路舒蘄州兼荆南鄂岳  
黃復州漢陽軍德安府制置使岳承宣疾速施行准  
此

除湖北荆襄潭州制置使省劄

樞密院奏勘會已除岳飛充湖北荆襄潭州制置使鄂州駐劄

右三省樞密院同奉聖旨王瓊罷制置使依前神武前軍統制江州駐劄兼節制舒蘄黃州措置防秋今劄送湖北路荆襄潭州制置使岳節使照會准此

除清遠軍節度使湖北荆襄潭州制置使依前神武後軍統制省劄

檢會樞密院關樞密院奏勘會昨自李橫退師叛人李成等占據襄陽府唐鄧隨郢州信陽軍欲聚兵南來作過岳飛累有奏陳措置

闕

遂降指揮差岳飛統率所

部軍馬於麥熟以前措置進兵復取上件州軍事畢大部軍已回江上屯駐節次據岳飛奏進發軍馬掩擊金齊兵馬於五月六日收復郢州十七日收復襄陽府十八日收復隨州七月十七日收復鄧州二十三日收復唐州并已收復信陽軍並已差官葺治屯兵防守飛已班

師江上歇泊右八月二十二日三省樞密院同奉聖旨  
岳飛特除清遠軍節度使湖北路荆襄潭州制置使依  
前神武後軍統制除安撫制置大使司外其餘並聽節  
制封邑依例施行

右劄送湖北路荆襄潭州制置使神武後軍統制岳  
節使

賜香藥詔書等省劄

三省樞密院同奉聖旨賜岳飛香藥壹合本軍將士詔



書壹道并印本詔書貳百道分給本軍將士

右差使臣李庭幹賁送前去今劄送湖北路荆襄潭  
州制置使岳節使照會收管訖具狀申樞密院准此

紹興五年

照會添置將分省劄

樞密院奏諸路軍事都督行府闕荆湖南北襄陽府路  
制置使岳飛劄子契勘本軍昨准朝廷指揮置立拾將  
今來人數稍增欲望賜指揮添置將分候指揮右已劄

下岳飛共以叁拾將為額外關送樞密院指揮

右奉聖旨依已行事理今劄送荆湖南北襄陽府路  
蘄黃州制置使岳節使照會施行准此

除湖北襄陽招討使省劄

樞密院奏勘會岳飛已除檢校少保理宜增重使名

右三省樞密院同奉聖旨岳飛除湖北襄陽府路招  
討使除別降付身外今劄送新除湖北襄陽府路招  
討使檢校岳少保照會

紹興六年

兼營田使省劄

三省同奉聖旨荆湖北路襄陽府路招討使岳飛川陝宣撫副使吳玠並兼營田使

右劄送湖北襄陽府路招討使檢校岳少保

督府照會有闕官去處知通以下許自踏逐令先次供職申奏給降付身劄

諸路軍事都督府行府送到湖北襄陽府路招討使

岳飛劄子契勘湖北襄陽府路如有闕官去處自  
知通并州縣官許自踏逐強明清幹官令先次供  
職外申奏朝廷給降付身仍許薦舉改官及陞擢  
差遣任使候指揮二月十一日奉聖旨依所乞其  
薦舉改官許以見闕監司員數合用舉狀薦舉一  
次

右劄送湖北襄陽府路招討使檢校岳少保

催赴行在奏事省劄

湖北襄陽府路招討使岳飛申於今月初九日晚到常  
州迺遷前去平江府以來聽候指揮外申聞事檢會諸  
路軍事都督府關尚書右僕射張浚劄子奏勘會岳飛  
議事已畢令取道衢信去行在不遠欲一見天顏少慰  
臣子瞻戀之心欲望聖慈特令內殿引見取進止二月  
九日奉聖旨依候引見奏事畢免朝辭疾速還鄂州本  
司關送樞密院照會

右劄送湖北襄陽府路招討使檢校岳少保依已降

指揮疾速起發兼程前來赴行在奏事准此

督府令赴行在奏事訖還鄂州本司劄

諸路軍事都督府會岳飛已到行在奏事畢二月十九日奉聖旨令岳飛於今月二十日就內殿辭訖日下回歸本司

右劄送湖北京西南路招討使檢校岳少保

從申踏逐辟差官屬省劄

紹興六年二月十九日諸路軍事都督府關行府送到

岳飛劄子今來本司事務全藉官屬協力欲乞差叅謀  
叅議各一員主管機宜文字一員書寫機宜文字一員  
幹辦公事六員准備差使八員點檢醫藥飭食二員不  
以見任寄居待闕許飛踏逐奏差令先次供職不得辭  
避候指揮二月十一日奉聖旨依所乞右關送尚書省  
指揮

右劄送湖北京西南路招討使檢校岳少保

金佖續編卷六

欽定四庫全書

金佗續編卷七

宋 岳珂 撰

絲綸傳信錄卷六

紹興六年

照會踏逐辟差官先次供職省劄

紹興六年二月十九日諸路軍事都督府關行府送到  
岳飛劄子契勘湖北襄陽府路如有闕官去處自知通



并州縣官許飛踏逐強明清幹官令先次供職外申奏朝廷給降付身仍許飛薦舉改官及陞擢差遣任使候指揮二十二日奉聖旨依所乞其薦舉改官許以見關監司員數合用舉狀薦舉右關送尚書省指揮

右劄送湖北京西南路招討使檢校岳少保

督府從中書填空告劄

諸路軍事都督府湖北京西南路招討使岳飛劄子契勘今來蒙朝廷給降到空名告劄如日後書填飛欲於

告劄背後題寫階衙押字用印以為照憑候書填訖具  
職位姓名立功因依供申朝廷仍乞劄下付飛照會伏  
候指揮

右劄送湖北京西南路招討使檢校岳少保依所乞  
施行准此

從申刺舉本路州縣官省劄

檢校少保鎮寧崇信軍節度使充湖北京西南路招討  
使兼本路營田使岳飛劄子飛誤蒙朝廷委寄兩路不

敢不竭愚鈍然州縣例經殘破正賴撫綏切慮州縣官有蠹政害民贓污不法之人欲乞許本司一面對移事重者放罷仍具情犯職位姓名奏聞所貴官吏修舉職事不敢苟簡候指揮奉聖旨依

右劄送湖北京西南路招討使檢校岳少保

任招討使申明行移用公牒劄

諸路軍事都督府鎮寧崇信軍節度使湖北京西南路招討使岳飛劄子准諸路軍事都督府劄子勘

會岳飛昨充湖南北襄陽府路制置使日依第二等奉使條例發運監司並用申狀兼契勘昨張浚任江南東路招討使日除安撫大使司用公牒外其餘帥司並用申狀今來岳飛已改除湖北京西南路招討使理合申明二月十九日奉聖旨並依例施行飛即未審本司行移本路安撫監司用公牒唯復用劄子伏乞明賜指揮取到武節郎充江南東路宣撫使司幹辦官高淮狀契勘張開府昨任江淮路招討使

日於監司發運帥司行移並用公牒所供是實申聞  
事

右劄送湖北京西南路招討使檢校岳少保照會  
准此

督府令將帶精兵前去襄陽劄

諸路軍事都督府勘會岳飛已降制命除授武勝定國  
軍節度使依前檢校少保充湖北京西路宣撫副使兼  
營田使襄陽府置司三月十二日奉聖旨令岳飛依議

定事理將帶精兵疾速起發前去襄陽仍具已起發月  
日聞奏

右劄送湖北京西路宣撫副使檢校岳少保

除湖北京西路宣撫副使省劄

樞密院奏勘會已降指揮岳飛除湖北京西路宣撫副  
使

右奉聖旨令岳飛疾速兼程前去鄂州措置軍事令  
劄送湖北京西路宣撫副使檢校岳少保疾速施行

准此

內艱賜銀絹省劄

四月八日三省同奉聖旨岳飛母身亡已降指揮起復可於格外特賜銀絹各壹千疋兩令戶部支給

右劄送起復武勝定國軍節度使湖北京西路宣撫副使檢校岳少保

令鄂州應辦葬事省劄

勘會岳飛母身亡所有葬事合行應副四月八日三省

同奉聖旨令鄂州協力措置施行

右劄送起復武勝定國軍節度使湖北京西路宣撫副使檢校岳少保

特起復日下主管軍馬不得辭免省劄

樞密院奏勘會檢校少保武勝定國軍節度使湖北京西路宣撫副使岳飛丁母憂已擇日降制起復緣目今人馬無人主管及見措置進兵渡江不可等待

右奉聖旨先次行下岳飛特起復仍日下主管軍馬



措置邊事不得辭免今劄送湖北京西路宣撫副使  
檢校岳少保疾速施行

起復第二省劄

樞密院奏勘會檢校少保武勝定國軍節度使湖北京  
西路宣撫副使岳飛丁母憂已擇日降制起復緣目今  
人馬無人主管及見措置進兵渡江不可等待

右奉聖旨先次行下岳飛特起復仍日下主管軍馬  
措置邊事不得辭免今再劄送湖北京西路宣撫副

使檢校岳少保疾速施行准此

辭免起復不允省劄

草土岳飛奏准樞密院劄子勘會岳飛母魏國太夫人姚氏身故已降指揮起復仍日下主管軍馬措置邊事不得辭免今來尚未見依舊治事緣見措置邊事不可稍緩奉聖旨令岳飛遵依累降指揮日下主管軍馬職事不得辭免仍具已供職月日間奏臣契勘除已具辭免奏聞外伏望聖慈特許臣終制奏聞事

右勘會岳飛所請累降詔旨不允日下主管軍馬措置調發不得再有陳請及令本司屬官將佐日下敦請治事至今尚未祇受起復恩命顯是屬官等並不體國敦請致邊事關官措置奉聖旨令本司屬官等依已降指揮日下敦請依舊治事如依前遷延致再有辭免其屬官等並當遠竄仍劄與岳飛依累降詔旨日下治事不得更有陳請今劄送湖北京西路宣撫副使檢校岳少保疾速施行准此

進發至京西路添入河東及節制河北路字劄  
諸路軍事都督府岳少保申准都督行府劄子勘  
會行府恭被聖訓應措置軍事一面相度施行契  
勘岳少保已除湖北京西路宣撫副使所有將來  
進發至京西路分行下偽界文字合添入河東貳  
字以湖北京西河東宣撫使繫階其行移湖北以  
裏州軍及申奏朝廷并行府等文字自合依舊已  
於三月三十日劄下岳少保照會施行去訖須議

指揮右勘會若將來有河北申到本司軍前文字即聽  
行節制仍於階內添入節制河北路五字餘依已劄下  
事理施行除已遵依指揮施行外飛契勘河東河北兩  
路近除有梁興等前來之後外別無前來之人所有前  
項所准指揮令飛階內添入河東及節制河北路字伏  
乞行府特賜指揮寢罷施行伏候指揮

右勘會逐次劄下事理係將來行軍進發至京西路  
分遇有逐路合行文字即於階內添入今劄送湖北

京西路宣撫副使檢校岳少保照會准此

免取會立功制領將佐料厯省劄

樞密院奏勘會昨降指揮諸軍緣捍禦戰鬪金人大軍  
立到奇功統制統領將佐使臣等內有未曾給到料錢  
文厯之人並令戶部免取會不以拘礙特行出給今來  
偽賊劉麟侵犯淮西作過朝廷已遣諸頭項大兵前去  
併力掩殺外

右奉聖旨諸軍統制統領將佐使臣等內有立到奇

功未曾出給料錢文歷之人特依昨降戰敵金人立  
奇功已得指揮仍令樞密院給降黃勝曉諭并黃勝  
壹道今劄送湖北京西路宣撫副使檢校岳少保疾  
速施行准此

目疾令不妨本職治事省劄

樞密院奏湖北京西路宣撫使司叅謀官薛弼等申契  
勘宣撫岳少保於九月二十八日巡邊回到鄂州軍前  
緣為眼疾昏暗未能治事准劄子令弼等權行管幹宣

撫司事務已累具利害事因取稟乞不妨本職治事服藥調護目疾堅謂目痛昏暗有妨書押除已逐急行移及將軍馬事務移文守寨同提舉一行事務張憲管幹施行外伏望朝廷詳酌速賜指揮施行伏候指揮

右勘會近緣兵馬侵犯淮西累降指揮令岳飛總率全軍星夜兼程起發前來都督行府今據前項所申除已降指揮差眼科皇甫知常日下起發差使臣伴送由江池州路前去岳飛軍前醫治外今來邊事急



切正賴主帥親提軍馬共濟國事奉聖旨令岳飛日下不妨本職治事餘依累降指揮施行先具已治事日時聞奏今劄送湖北京西路宣撫副使檢校岳少保疾速施行准此

賜銀合茶藥省劄

奉聖旨令入內內侍省差內侍壹員前去岳飛軍前傳宣撫問仍賜銀合茶藥

右劄送湖北京西路宣撫副使檢校岳少保照會准

此

偽五大王至蔡州令審料敵情省劄

湖北京西路宣撫副使岳少保申據王貴申偽五大王  
擁重兵前來離何家寨四十里地名大標木依靠山勢  
擺布迎敵官軍於十一月初十日與敵交戰大獲勝捷  
申聞事小貼子飛契勘偽五大王擁金齊重兵侵犯唐  
鄧州漢上一帶作過飛遂遣發軍馬措置今雖獲大捷  
緣已至蔡州界去京城大段比近勢未能便行深討飛

見星夜前去相度若蔡州可下即行收復差官主管州  
事畢班師別聽朝廷指揮伏乞照會檢會近據岳少保  
奏十一月十二日統制官寇成等申金齊重兵侵犯京  
西一帶事宜十一月二十七日奉聖旨令岳飛更切審  
料敵情擇利進止務取全功除合遵依前項聖旨指揮  
施行及應干軍事自合明審事機便宜措置外

右行府契勘今來已破何家寨等處如彼處及蔡州  
一帶糧料有餘可以剗立硬寨分遣輕騎追引金齊

之兵前來擇利取勝即合隨宜經畫遲以旬月因立大功如問得大河南北別有金齊重兵相繼應援未須與之輕戰即遵依已降聖旨指揮及行府累劄下便宜指揮施行今劄送湖北京西路宣撫副使檢校岳少保照會具已施行事狀申行府准此

金匱續編卷七

欽定四庫全書

金佖續編卷八

宋 岳珂 撰

絲綸傳信錄卷七

紹興六年

金齊分路前來更切審料敵情省劄

湖北京西路宣撫副使岳飛申今據諸處申到金齊兵馬厚重分路前來侵犯飛雖目疾昏痛未痊不免於十

卷八  
一月十五日躬親渡江星夜前去措置兵馬外伏候指揮

右檢會岳飛奏諸處申兵馬分路前來侵犯已將帶軍馬過江措置十一月二十七日奉聖旨令岳飛更切審料軍情擇利進止務取全功已劄下去訖今劄送湖北京西路宣撫副使檢校岳少保照會准此

雪寒撫諭將士黃榜

奉聖旨岳飛行軍襄漢正此雪寒將士勤勞良軫顧念

可令學士院降詔撫諭一行將士仍降黃榜曉諭

右并詔書黃榜各乙道令劄送湖北京西路宣撫副使檢校岳少保照會收管施行准此

令赴行在奏事省劄

十二月二十一日三省樞密院同奉聖旨岳飛候指揮到如別無緊切事宜量帶親兵前來行在所奏事

右劄送起復武勝定國軍節度使充湖北京西路宣撫副使檢校岳少保



紹興七年

再令疾速赴行在奏事省劄

正月三日三省樞密院同奉聖旨令岳飛依已降指揮如別無緊切事宜令疾速起發赴行在所奏事

右劄送起復武勝定國軍節度使充湖北京西路宣撫副使檢校岳少保

令扈車駕幸建康省劄

起復檢校少保武勝定國軍節度使湖北京西路宣撫

副使兼營田使岳飛劄子契勘飛累准朝廷指揮催促  
令前來行在所奏事飛已到行朝適值國恤隨班入臨  
欲候除服日即乞朝辭候指揮勘會車駕巡幸建康進  
發在近二月十八日樞密院同奉聖旨令岳飛扈從前  
去其見將帶馬軍於禁衛從行

右劄送起復湖北京西路宣撫副使檢校岳少保

令入內內侍省引對省劄

三月三日三省同奉聖旨岳飛令入內內侍省今月四

日引對

右劄送湖北京西路宣撫使岳太尉

詔諭靖康叛臣能束身以歸當復爵秩省劄

檢會紹興四年十二月十二日三省樞密院同奉手詔  
朕惟靖康兵革之難神器幾墜天命有在屬于眇躬夙  
夜兢兢罔敢自逸期與爾士大夫共雪大恥還我兩宮  
保有黎元永庇中土而強敵侵軼迫朕一隅叛臣乘時  
盜據京邑使我搢紳淪陷塗炭繇朕不德以至於斯北

望傷心收涕無所亦惟爾士大夫蒙祖宗休澤服在周  
行其肯失身偽廷事非其主顧驅脅使然有不得已者  
朕甚痛之故若張孝純李鄴李儔等內外親族不廢祿  
仕每飭有司常加存恤朕之於爾厚矣爾尚忍忘之耶  
其能洗心易慮束身以歸當復其爵秩待遇如初嗚呼  
順逆之理禍福之機昭然甚明要知所擇朕方昭大信  
以示天下言不爾欺有如皦日咸務自省體朕至懷故  
茲詔示想宜知悉

右劄送湖北京西路宣撫使岳太尉照會施行准此  
許令便宜行事省劄

勘會岳飛昨除湖北京西路宣撫副使日已降指揮如有  
合行事件遇行軍申奏待報不及許便宜施行今來已  
除宣撫使三月十四日奉聖旨岳飛如行軍入賊境有  
軍期事務申奏待報不及依已降指揮許便宜施行訖  
具事因聞奏及申都督府

右劄送湖北京西路宣撫使岳太尉

督府令收掌劉少保下官兵劄

諸路軍事都督府勘會淮西宣撫劉少保下官兵等  
共五萬二千三百一十二人馬三千一十九疋須至  
指揮

統制官通侍大夫武康軍承宣使王德下官兵等  
五千七百三十一人馬二百八十七疋

中侍大夫武泰軍承宣使鄺瓊下官兵等五千五  
十五人馬三百五十四疋

左武大夫和州團練使王師晟下官兵等四千八百九十人馬二百三十一疋

翊衛大夫和州防禦使靳賽下官兵等五千七百二十一入馬二百八十二疋

武顯大夫貴州刺史兼閣門宣贊舍人王照下副統制馬欽官兵等三千一百二十八人馬一百三十疋

武功大夫通州刺史兼閣門宣贊舍人王志下官

兵等四千一百七十二人馬一百九十六疋

中侍大夫榮州防禦使喬仲福下官兵等七千三十八人馬三百六十三疋

左武大夫恩州刺史兼閤門宣贊舍人張景下官兵等六千九百四十六人馬八百六十九疋

左武大夫忠州刺史兼閤門宣贊舍人王世忠下官兵等四千四百七十八人馬二百七疋

武德郎閤門宣贊舍人李進彥下

係水軍

官兵等



五千一百五十二人馬

闕

副統制左朝請大夫趙四臣

武義大夫閣門宣贊舍人康淵

右劄送湖北京西路宣撫使岳太尉照會密切收掌  
仍不得下司准此

督府令相度京西一帶事宜劄

諸路軍事都督府勘會統制鄺瓊等駟衆渡淮其逆賊  
劉麟必聚兵引接度其事勢須以重兵監防旬月之

闕

欽定四庫全書

金匱要略



狀申伏候指揮戶部供到紹興元年十二月一日勅尚書省送到太尉定江昭慶軍節度使神武右軍都統制張俊狀檢准十月二十四日尚書省劄子奉聖旨指揮閤門張俊已除太尉不候辭免特許赴朝參令立新班應恩數張傘等並依劉光世任太尉日依先次施行伏候指揮奉聖旨依已得指揮所有諸般請給緣俊自出身已來皆係戰功伏望特降指揮行下所屬據俊身分合

闕

依劉光世任太尉例並支真俸施行伏候

指揮三省同奉聖旨特依劉光世

闕

例支破內隨

身僉人米一半折支價錢九月二十九日奉聖旨並張俊已得指揮則例批勘

右劄送起復湖北京西路宣撫使岳太尉

紹興八年

令於江州統率官兵回鄂州省劄

樞密院奏勘會昨降指揮令岳飛將帶官兵水軍人船前來江州駐劄今來已過防秋


右三省樞密院同奉聖旨令岳飛審度如別無緊切  
事宜即統率一行官兵人船回歸鄂州本司具已起  
發日時申樞密院今劄送湖北京西路宣撫使岳太  
尉

服闋除起復二字省劄

武功大夫兼閤門宣贊舍人特差荆湖西路宣撫使司  
往來幹辦軍期事務王敏求狀契勘宣撫岳太尉先為  
母亡起復合至今年六月一日從吉所有起復二字未

敢便行除落伏候指揮吏部供到狀昨劉少師紹興三年四月內因丁母憂降制起復後來至服闋日本官一面除落起復二字即不曾降指揮除落申聞事

右劄送湖北京西路宣撫使司照會准此



金佗續編卷八

欽定四庫全書

史部  
金佗續編卷  
九至  
十四

詳校官編修臣范來宗

刑部郎中臣許兆椿覆勘

總校官檢討臣何思鈞

校對官學正臣翁樹棠

謄錄監生臣施華



欽定四庫全書

金作續編卷九

絲綸傳信錄卷八

紹興八年

再令除落起復二字省劄

檢會湖北京西路宣撫使司往來幹辦軍期事務王敏  
求狀契勘岳太尉先為母去世起復合至今年六月一日

宋岳珂撰

從吉所有起復二字未敢便行除落候指揮吏部供到  
狀昨劉少師紹興三年四月內因丁母憂降制起復後  
來至服闋日本官一面除落起復二字即不曾降指揮  
除落尚書省已劄下湖北京西路宣撫司照會去訖今  
據岳太尉七月初六日奏狀尚未見除落起復字須議  
指揮

右劄付湖北京西路宣撫使司依已劄下事理除落  
准此

乞致仕不允仍令前來行在奏事省劄

湖北京西路宣撫使岳飛奏臣今月初八日准御前金字牌遞到樞密院劄子奏聖旨令韓世忠張俊岳飛如別無緊急事宜各量帶親兵暫赴行在奏事臣除已恭依處分外契勘臣累具奏聞乞歸田野以養殘軀未賜俞允伏望聖慈檢會臣前後所奏速降睿旨許臣致仕庶幾不致上誤國計臣已擇今月十二日起發於江池州以來聽候指揮臣不勝懇切之至取進止

右奉聖旨乞仍依已降指揮疾速起發前來行在奏  
事今劄送湖北京西路宣撫使岳太尉疾速施行准  
此

辭免赴行在事不允省劄

湖北京西宣撫使岳飛奏臣近在路於江池州兩具劄  
子瀆冒天聽乞致仕者退循恐懼莫知所為臣迺遽將  
次廣德軍界尚未准指揮顧臣螻蟻懇迫之誠上賴天  
地涵容始終之賜唯祈昭鑒曲示眷憐伏望早降睿旨

許臣屏跡山林以養微軀區區之詞備在前奏臣更不  
叨叨紊煩聖聽臣除於廣德軍以來聽候指揮外取進  
止

右三省樞密院同奉聖旨依已降詔旨不允不得再  
有陳請仍依已降指揮疾速兼程前來赴行在奏事  
今劄送湖北京西宣撫使岳太尉疾速施行

同前第二劄

檢會湖北京西路宣撫使岳飛奏臣近在路於江池州

兩具劄子冒瀆天聰乞致仕者退循戰懼莫知所為臣  
迺灑將次廣德軍界尚未准指揮顧臣螻蟻懇迫之誠  
上賴天地函容始終之賜唯祈照鑒曲示眷憐伏望早  
降睿旨許臣屏跡山林以養微軀區區之詞備在前奏  
臣更不叨叨紊煩聖聽臣除於廣德軍以來聽候指揮  
外取進止九月二日奉聖旨依已降詔旨不允不得再  
有陳請仍依已降指揮疾速兼程前來赴行在奏事除  
已劄下外至今未到

右再劄送湖北北京西路宣撫使岳太尉遵依累降指揮疾速施行

再乞致仕不允省劄

湖北京西路宣撫使岳飛奏臣推鈍之資過蒙眷注近累乞致仕又蒙聖慈降詔不允及催督赴行朝奏事臣不敢固違召命即遂就道伏念臣遭遇陛下實千載一時豈欲頻具奏聞上瀆天聽重貽罪戾徒自取之緣臣不唯眼目脚疾時時發動深恐才不逮人緩急有誤陛

下委付覲就安閒保養賤軀跡其狂率別無他腸俟臣  
異日痊可陛下尚欲使令願盡驚蹇仰受指縱伏望淵  
衷俯垂洞照早賜允臣所請不勝幸甚干冒斧鉞退惟  
戰懼取進止

右奉聖旨已累降詔旨不允不許再有陳請今劄送  
湖北京西路宣撫使岳太尉

紹興九年

同判大宗正事士儻等前去祇謁陵寢省劄



湖北京西路宣撫使岳飛奏臣伏覩正月十二日降到  
赦書交割河南州縣內西京河南府臣所管地分自劉  
豫盜據以來祖宗陵寢久廢嚴奉臣不勝臣子區區之  
情欲乞量帶官兵躬詣洒掃伏候勅旨

右勘會已降指揮差同判大宗正事士儻兵部侍郎  
張燾前去祇謁陵寢三省樞密院同奉聖旨劄與岳  
飛照會候逐官起發申取朝廷指揮量帶親兵同共  
前去祇謁今劄送湖北京西路宣撫使岳開府

合用修工費用令王良存於大軍錢內支省劄  
勘會祇謁陵寢官同判大宗正事士儂已得聖旨修奉  
諸陵合專委官應副二月二十一日三省同奉聖旨劄  
與岳飛會照與士儂商議應副人工修奉其費用令王  
良存於大軍錢內支仍劄下王良存照會

右劄送武勝定國軍節度使湖北京西路宣撫使兼  
營田大使岳開府

免親往祇謁陵寢省劄

樞密院奏勘會已降指揮令岳飛量帶親兵同士儂張  
燾前去祇謁陵寢緣今來新復故地之初正要大將撫  
存軍旅

右三省樞密院同奉聖旨令岳飛更不須親往止選  
差將官壹兩員部押壕寨人匠軍馬共壹千人隨逐  
士儂張燾前去祇謁陵寢其一行合用錢糧令王良  
存隨逐應辦仍劄與士儂張燾照會今劄送湖北京  
西路宣撫使岳開府疾速施行

照會免去祇謁陵寢省劄

太尉武勝定國軍節度使湖北京西路宣撫使兼營田  
大使岳飛劄子奏今日祇謁陵寢同判大宗正事士儻  
兵部侍郎張燾到鄂州臣見辦集行役只俟得士儻張  
燾闕報行期便同起發或恐陛下別有使令願賜一一  
訓敕謹具奏知檢會紹興九年四月十一日勅樞密院  
劄子樞密院奏勘會已降指揮令岳飛量帶親兵同士  
儻張燾前去祇謁陵寢緣今來新復故地之初正要大

將撫存軍旅奉聖旨令岳飛更不須親往止選差將官  
壹兩員部押壕寨人匠軍馬共壹千人隨逐士儂張燾  
前去祇謁陵寢其一行合用錢糧令王良存隨逐應辦  
仍劄與士儂張燾照會四月十三日三省同奉聖旨檢  
坐已降指揮劄與岳飛照會仍令學士院降詔獎諭  
右劄送湖北京西路宣撫使岳開府

同前第二劄

太尉武勝定國軍節度使湖北京西路宣撫使兼營田

大使岳飛劄子奏今日祇謁陵寢同判大宗正事士儂  
兵部侍郎張燾到鄂州臣見辦集行役只俟得士儂張  
燾關報行期便同起發或恐陛下別有使令願賜一一  
訓敕謹具奏知檢會紹興九年四月十一日勅樞密院  
劄子樞密院奏勘會已降指揮令岳飛量帶親兵同士  
儂張燾前去祇謁陵寢緣今來新復故地之初正要大  
將撫存軍旅奉聖旨令岳飛更不須親往止選差將官  
壹兩員部押壕寨官匠軍馬共壹千人隨逐士儂張燾

前去祇謁陵寢其一行合用錢糧令王良存隨逐應辦  
仍劄與士儂張燾照會四月十三日三省同奉聖旨檢  
坐已降指揮劄與岳飛照會仍令學士院降詔獎諭

右已劄送湖北京西路宣撫使岳開府切慮在路遺  
滯今再劄送湖北京西路宣撫使岳開府遵依已降  
指揮施行

令赴行在奏事省劄

岳飛劄子奏臣欲乞赴行在奏事伏望聖慈特降指揮

取進止

右三省樞密院同奉聖旨依奏今劉送湖北京西路宣撫使岳開府疾速施行

照會追復張所左通直郎直龍圖閣省劄

武勝定國軍節度使開府儀同三司湖北京西路宣撫使岳飛劄子奏臣竊見故左通直郎張所先任監察御史除直龍圖閣河北路招撫使因謫官到潭州界內為凶賊劉忠驅擄百端誘脇終不肯從遂至被害累經恩



赦本家無人申陳未曾牽復如張所者迹本疎遠蒙朝廷  
識擢當艱危之際奮不顧身有志未就能以節死欲望  
聖慈矜憫特賜牽復官職以激忠義之風取進止十月  
九日三省同奉聖旨張所特與追復舊官職關送中書  
門下省指揮奉勅故前通直郎直龍圖閣張所士無節  
操顧雖偷生奄奄如九泉下人若乃英風氣槩折而不  
沮其人雖亡凜然常有生氣有臣如此可無以表勵之  
哉爾持論勁直自喜功名項由御史身任招撫之柄毀

譽交至用舍不常卒罹綠林殞於非命雄心誼烈奮挺  
莫回亦可以激懦夫之氣而動人臣之忠矣茲因將臣  
以名來上是用選爾通籍仍直河圖魂而有知毋忘結  
草可特追復左通直郎直龍圖閣

右劄送湖北京西路宣撫使岳開府

賜張所一資恩澤仍支銀絹省劄

武勝定國軍節度使開府儀同三司湖北京西路宣撫  
使兼營田大使岳飛劄子飛聞好生惡死天下常情若

臨大難而不變視死如歸者非忠義之士不能竊見左  
通直郎直龍圖閣張所以忠許國義不顧身雖斧鉞在  
前凜然不易其色終能以全節自守而不屈不惟飛知  
之士大夫無不知之今蒙朝廷已叙復元官恩至渥也  
欲望更賜特為敷奏乞與旌加褒異庶使天下忠義之  
士皆知所勸伏候指揮十一月十二日奉聖旨張所特  
與壹資恩澤仍支賜銀絹各壹百疋兩令所居州軍應  
副

右并劄下張所本家照劄壹道送湖北京西路宣撫  
使岳開府照會給付准此

金匱續編卷九

欽定四庫全書

金佗續編卷十

宋 岳珂 撰

絲綸傳信錄卷九

紹興十年

到蔡州給賜犒軍銀絹省劄

三省樞密院同奉聖旨岳飛調發軍馬已到蔡州可令戶部給銀絹五千疋兩充犒軍支用令賜夏藥內侍一

就押賜

右劄送湖北京西路宣撫使兼河南北諸路招討使

岳少保

收復潁昌令開具立功人等第省劄

湖北京西路宣撫使司奏據前軍統制同提舉一行事務張憲申統率軍馬前來措置兵馬於閏六月十九日離潁昌府四十里與金人見陣獲捷外憲統率軍馬追襲敗走金兵於當月二十日收復潁昌府了當奏聞事

右三省樞密院同奉聖旨令岳飛開具立功人等第疾速保明聞奏今劄送湖北京西路宣撫使兼河南北諸路招討使岳少保疾速施行

賜金帶金碗等省劄

三省樞密院同奉聖旨岳飛提兵已至蔡州遣發官兵收復潁昌府可差內侍黃彥節前去傳宣撫問仍賜金合茶藥及支降金帶金碗壹千兩其已支犒軍銀并折絹銀可共添賜作伍萬兩令彥節管押赴軍前委岳飛

將立功官兵等第賜給

右劄送湖北京西路宣撫使兼河南北諸路招討使  
岳少保照會施行

改差內侍李世良管押御賜金帶金碗等省劄  
三省樞密院同奉聖旨岳飛提兵至蔡州連捷收復潁  
昌淮寧府可差內侍李世良前去傳宣撫問仍賜金合  
藥及支降金帶金碗壹千兩銀五萬兩見錢關子拾萬  
貫令世良一就管押前去赴軍前委岳飛將立功官兵



等第給賜其先差黃彥節更不遣行

右劄送湖北京西路宣撫使兼河南北諸路招討使  
岳少保照會施行

照會湖廣總所椿兌支犒錢省劄

勘會已降指揮令行在權貨務印造見錢關子拾萬貫  
應副岳宣撫軍前犒軍支使理合措置椿備錢數支給  
須議指揮

右已劄下湖廣江西京西路總領司仰於大軍錢內

依數椿兌見錢候賚到上件關子日下支給施行不  
管少有阻節留滯外令劄送湖北京西路宣撫使兼  
河南北諸路招討使岳少保照會准此

照會支撥收復鄭州激賞錢省劄

勘會岳飛遣發官兵收復鄭州并日後所用激賞合行  
支降七月八日三省同奉聖旨令行在權貨務限叁日  
更行印造見錢關子貳拾萬貫付岳飛內壹拾萬貫激  
賞收復鄭州得功官兵餘壹拾萬貫充宣撫司非時支

使其錢仰鄂州總領司疾速樁垛候到照驗即時支給  
右劄付湖北京西路宣撫使兼河南北諸路招討使  
司

李供奉押賜收復鄭州支犒錢省劄

勘會續降指揮岳宣撫遣發官兵收復鄭州并日後所  
用激賞令權貨務限叁日更行印造見錢關子貳拾萬  
貫內壹拾萬貫激賞收復鄭州得功官兵餘壹拾萬貫  
充宣撫司非時支使今據權貨務供到今月初九日可

以印造了當須議指揮

右已劄下睿思殿祇候入內李供奉一就押賜前去  
外今劄送湖北京西路宣撫使兼河南北諸路招討  
使岳少保照會准此

收復趙州獲捷照會楊沂中除淮北宣撫劉錡  
除宣撫判官

湖北京西路宣撫使兼河南北諸路招討使岳飛奏臣  
今得衛州忠義統制趙俊差人齎到申狀自閏六月二

十七日起離本州於今月初四日到臣軍前報臣比遣兵過河會合忠義統制喬握堅等已收復趙州了當又遣本司統制梁興董榮兩頭項過河河北州縣往往自亂民心皆願歸朝廷乞遣發大兵前來措置臣見措置外臣契勘金人近累敗衄其將帥四太子等皆令老小過河唯是兵衆尚徘徊於京城南壁一帶近却發八千人過河北此正是陛下中興之時乃金人滅亡之日若不乘勢殄滅恐貽後患伏望速降指揮令諸路之兵火

急並進庶幾早見成功取進止

右勘會已降指揮楊沂中除淮北宣撫副使於今月二十五日起發劉錡除淮北宣撫判官三省樞密院同奉聖旨劄與岳飛照會今劄送湖北京西路宣撫使兼河南北諸路招討使岳少保

獎諭郾城獲捷省劄

樞密院奏勘會岳飛一軍於郾城縣獨與金人全軍接戰大獲勝捷除已支降犒賞外

右三省樞密院同奉聖旨令學士院降詔獎諭今劄  
送湖北京西路宣撫使兼河南北諸路招討使岳少  
保照會

郾城獲捷支犒士卒省劄

樞密院奏勘會岳飛一軍於郾城縣獨與金人全軍接  
戰大獲勝捷

右三省樞密院同奉聖旨令戶部支降見錢關子貳  
拾萬貫付岳飛等第犒賞今劄送湖北京西路宣撫

使兼河南北諸路招討使岳少保照會施行

令先次開具立功最高將士省劄

三省樞密院同奉聖旨岳飛逐次獲捷立功將士已節次降指揮令等第保明如日下攢類未圓仰開具立功最高將士先次申奏餘依累降指揮施行

右劄送湖北京西路宣撫使兼河南北諸路招討使岳少保疾速施行

令疾速赴行在奏事省劄



岳飛劄子奏臣於七月二十七日取順昌府由淮南路  
恭依累降御筆處分前行在奏事

右三省樞密院同奉聖旨令岳飛疾速前來赴行在  
奏事今劄送湖北京西路宣撫使兼河南北諸路招  
討使岳少保疾速施行

給降空名告命省劄

尚書省關三省樞密院賁功房關岳飛劄子乞給降下  
項空名告命如有立功人即便書填以為激勸遇書填

某人於告背紙上題寫階衙押字用印照驗候指揮正

任承宣使三道

內一道  
帶軍職

正任觀察使五道

內一道  
帶軍職

正任

防禦使八道

內一道  
帶軍職

正任團練使一十道正任刺史一

十五道已上乞於告內寫定官橫行帶承宣使一十道

橫行帶觀察使一十五道橫行帶防禦使二十道正使

帶團練使二十五道正使帶刺史三十道正使帶閤門

宣贊舍人四十道副使帶閤門宣贊舍人四十道小使

臣帶閤門祇候十五道已上乞於告內空官臨時書填

武功大夫至武翼大夫階各三十道武功郎至敦武郎  
階各四十道修武郎至承信郎階各五十道進武校尉  
至守闕進義副尉階各五十道已上乞寫定官九月十  
一日三省樞密院同奉聖旨依令吏部給降仍置稽專  
以旌賞陝西河外立功人關送樞密院指揮

右并空名下班祇應付身五十道今劄送湖北京西  
路宣撫使兼河南北諸路招討使岳少保照會收管  
令措置河北河東京東三路忠義軍馬省劄

紹興十年十月十三日左承議郎守司農少卿差充湖  
北京西路宣撫使司參議官高穎劄子奏臣嘗謂兵取  
必勝以謀為主謀之發用以時為宜臣自建炎三年春  
不幸陷於異域竊觀大河之北士人非不衆也而能專  
心詢訪所謂敵將之趣向士卒之彊弱屯戍之虛實以  
為我國家計者世鮮其人間有高志不羣之士往往晦  
迹隱伏杜門不出而時事未嘗過而問焉臣自紹興元  
年秋被命名赴行在切觀大江之南人非不衆也而能

專心詢訪所謂將帥之才守禦之備攻取之術以為我  
國家計者亦鮮其人間有畫策獻謀之士往往風聲氣  
俗不歷邊事而謀慮有所不周矣今也臣合南北之所  
得長短以究其利害臣雖愚蠢所得者亦多矣臣所以  
敢將河北忠義之士為攻取計始終不易其言者相其  
今日所宜是為決取之謀是為適可之時曾無漕運之  
勞器甲之需激賞之費借曰萬一敗失亦不傷乎國體  
用事於金人腹心之中而收功於疆場千里之外夫何

憚而不為臣誤蒙陛下擢置卿列可謂安佚矣而臣區區願預軍事非厭安佚而樂煩劇蓋以謂臣子之心苟有寸長當戮力以為國家用儻能建功立事以圖報稱是為臣之忠立身揚名以顯父母是為子之孝忠孝所係故一身之安佚煩劇曾不足較也臣之言大可以獻諸天地幽可以質諸鬼神伏望陛下特賜睿察如臣言可用即委臣措置河北河東京東三路忠義軍馬所有文劄乞降付宣撫使岳飛庶幾可以裨贊岳飛十年連

結河朔之謀仍乞降三路賞功聖詔然後臣當將命請行取進止

右三省樞密院同奉聖旨劄與岳飛措置不下司今劄送湖北京西路宣撫使兼河南北諸路招討使岳少保疾速施行

密詔諸將廣設間諜契丹等國誘率來歸省劄臣寮劄子奏臣聞金人初犯中國率契丹渤海奚人漢兒諸國之兵紛然而來共肆蹂躪之毒然竊原諸國之

本心謂非得已迫於一時凶力之強而已矣今則窮兵轉戰二十餘年思歸者益切厭亂者益多昨烏珠渝盟自知兵出無名乃託以大教悉卷而行侵我三路其麾下之衆莫不快快而南非欲攄憤雪恥而樂然願聞也故三路之師連戰輒北何則烏珠之性狼猛殘虐喜於殺戮一旦戕其叔達蘭而國人貳者已過半矣咸以謂於其叔如此它人敢保其終乎此楚歌發而項籍亡晟間行而攝圖破之秋也嘗聞外蕃難以力征易可離間



此言中的不可復易欲願陛下密詔諸將廣設間謀諭以禍福其契丹渤海奚人漢兒諸國有來降者厚而遣之縱其返國使之更相誘動相率來歸高爵厚祿一無所吝不一二年足以離其腹心破其黨與此所謂不戰而屈人之兵者取進止

右三省樞密院同奉聖旨依奏劄與諸帥照會今劄送湖北京西路宣撫使兼河南北諸路招討使岳少保照會仍不下司

金佗續編卷十

欽定四庫全書

金佗續編卷十一

宋 岳珂 撰

絲綸傳信錄卷十

紹興十年

令差人體探順昌府金人之聚糧指實省劄

權發遣壽春府孫暉奏十月十六日據本府差出幹事  
人丁洪張立回府供責先於今月初七日蒙難離府前

去已北幹事至十一日早假裝近城打柴人入順昌府城西門於市西張客店內安下至十二日早探見梓城裏女真軍人烏葉萬戶將帶女真馬軍一千人騎出北門望亳州路上稱前去宿州其知府劉都轄用酒食送到白沙村及當時亦有馬軍二百餘人騎出南門即不知去向并探得當日却有順昌府城西北二十餘里一寨女真軍人二千餘人騎却拽入城內遶梓城外下寨及於城內諸寺院內亦有漢兒并女真千戶四箇共有

馬軍約三百騎人步軍一千七八百人兼於城北潁河搭蓋土橋一座濶約一丈七八尺來兼越河裏見堆垛馬捍草四五十積并見陳州用船五十餘隻般載糧到順昌府城內下却了當其空船見在橋西繫泊并亳州用人夫推般糧五百餘輛車子到城下却復回空車前去亳州洪等至十三日買茶鹽出城前來至十六日晚到府所供是的臣所據幹事人丁洪等探到順昌府金人聚積糧草事宜臣除已過作隄備及不住再差人前

去體探金人動息作為意向次第候到別具奏聞

右奉聖旨令淮西淮北湖北京西宣撫司差人體探  
指實申奏今劄送湖北京西路宣撫使司疾速施行  
準此

措置蔡州敵將孟千戶省劄

樞密院奏據探報蔡州敵將孟千戶領人馬前去唐州  
及管下比陽作過

右三省樞密院同奉聖旨令岳飛嚴切措置捍禦不

管疎虞仍具已措置事狀聞奏今劉送湖北京西路  
宣撫使兼河南北諸路招討使岳少保疾速施行

再令疾速措置孟千戶省劄

樞密院奏勘會近據探報蔡州敵將孟千戶領人馬前  
去唐州及管下比陽作過已降指揮令岳飛嚴切措置  
捍禦不管疎虞仍具措置事狀聞奏今又據京西南路  
安撫司申唐州責據百姓文九狀十月二十四日到比  
陽縣西見本縣人民走出縣來稱有敵人來到本縣下

寨切慮兵馬不測侵犯京西一帶州縣理宜嚴備

右三省樞密院同奉聖旨令岳飛依累降指揮疾速  
嚴切措置捍禦不管少有疎虞仍具已措置事狀聞  
奏今劄送湖北京西路宣撫使兼河南北諸路招討  
使岳少保疾速施行

令今後招捉女真等不得一面申解省劄

樞密院奏勘會諸路宣撫司招捉女真契丹漢兒渤海  
並申解前來朝廷深慮沿路難以譏察



右三省樞密院同奉聖旨劄下逐司今後不得一面  
申解先具姓名聞奏取旨今劄送湖北京西路宣撫  
使司照會準此

令宣撫招撫使差人間探省劄

樞密院奏勘會累降指揮令逐路宣撫招撫司遣差間  
探日近中奏事宜稀少切慮緩急有悞事機

右三省樞密院同奉聖旨令逐路宣撫司依累降處  
分優支激犒選募信實得力人分頭渡河前去燕山

府東京以來子細探蹟敵情的實動息次第實封申  
奏仍告諭所遣人如探得事宜的確信驗當依新立  
賞格優異推恩今劄送湖北京西路宣撫使司疾速  
施行準此

令嚴切措置捍禦敵兵省劄

據探報烏珠十月初八日只將六騎入東京初十日有  
兵馬十五隊入宋門十三日打毬議事侵掠唐鄧

右劄送湖北京西路宣撫使兼河南北諸路招討使

岳少保依累降指揮嚴切措置捍禦不管疎虞仍具已措置事狀聞奏

令相度光州修城增兵省劄

臣寮上言竊以光州與敵對壘了無防遏從來城壁不存伏聞近差田邦直軍馬深厚恐敵衆稍多不足以禦正當隨宜增給甲兵相兼守禦乞下本路宣撫日下措置取進止

右三省樞密院同奉聖旨令岳飛相度修城增兵務

在寇至必守具的確措置事狀聞奏今劄送湖北京西路宣撫使兼河南北諸路招討使岳少保疾速施行

令緊切措置敵軍作過省劄

光州奏據探事人張德等回供責稱十一月十九日早到汝河北住人范六家見趙小大從順昌府東說道順昌府敵人連知府已盡數出城前來於十七日到黃坵市下寨及梁三說敵人差八騎馬軍前去梁安灘踏淺

及問去焦陂路已作隄備外奏聞事

右三省樞密院同奉聖旨劄下岳飛緊切措置無令  
透漏過淮侵擾作過日下具已措置事狀聞奏今劄  
送湖北京西路宣撫使兼河南北諸路招討使岳少  
保疾速施行

令遣發參議官高穎措置三路忠義軍馬省劄  
樞密院奏勘會近據左承議郎守司農少卿差充湖北  
京西路宣撫使司參議官高穎劄子奏乞委臣措置河

北河東京東三路忠義軍馬庶幾可以裨贊岳飛十年  
連結河朔之謀已降指揮劄與岳飛措置

右三省樞密院同奉聖旨令岳飛疾速措置遣發具  
已施行聞奏今劄送湖北京西路宣撫使兼河南北  
諸路招討使岳少保疾速施行

令契勘梁興見今措置事宜開具申聞省劄  
樞密院奏據探報下項

一光州奏歸正人陳興供本朝梁統制人馬取却

兩州四太子去滑州策應

一前燕山府工曹掾方喜自敵中脫身回探得大名開  
德府界梁小哥人馬截了山東路金帛綱河北馬綱  
一泗州申幹事人王德回供稱十一月九日出徐州東  
門外見清河岸貼城立砲座河內有廠槽船船上有  
敵人掉船教閱恐梁小哥從梁山灤內乘船下來

右三省樞密院同奉聖旨令岳飛契勘梁興見今措  
置并本司所委事宜開具申樞密院如有立到功效

即具聞奏優與陞擢今劄送湖北京西路宣撫使兼  
河南北諸路招討使岳少保疾速施行

令隄備荆南府一帶敵軍省劄

川陝宣撫副使胡世將奏臣伏見金人渝盟復河南州  
縣其將帥烏珠在東京薩里罕在長安互為聲勢侵掠  
未已賴朝廷威靈將士用命雖屢摧大敵而彼勢尚堅  
今來諸路大軍並各精銳既習戰鬪又據地利以逸待  
勞固可制勝臣之所憂惟恐其以兵擣荆襄之虛斷吳



蜀之勢況自東京至荆南道路平坦敵人若以精騎馳突不數日可到如此則荆襄搖動道路不通其為患有不可勝言者臣日夜念此欲具奏陳近據自慶陽府脫身將仕郎吳名世赴司供析金人見議欲先掠取襄漢以斷四川與宣撫相接地分使東西不得相救然後以精兵侵犯四川臣除已行下知金州兼陝西諸路節制軍馬郭浩知商州邵隆知洋州王俊都統制吳璘楊政等多差間探嚴切措置過為隄防及關牒湖北京西南

路安撫司照會外伏望聖慈詳酌特降睿旨將荆南府一帶嚴切隄備仍乞於荆南添屯軍馬與襄陽表裏相應庶幾緩急不失枝梧可以杜其計謀伏候勅旨

右三省樞密院同奉聖旨劄下岳飛多遣間探過作隄備仍具知委間奏今劄送湖北京西路宣撫使兼河南北諸路招討使岳少保疾速施行

探報烏珠領兵過河令宣撫司擇利措置省劄樞密院奏據諸處探報烏珠與韓常翟千戶鄺瓊等各

領兵馬過河前去

右三省樞密院同奉聖旨令逐路宣撫司疾速體探  
詣實擇利措置無失機會今劄送湖北京西路宣撫  
使司疾速施行

紹興十一年

令措置四太子人馬分路作過省劄

濠州申十二月二十九日據北來人李穩到州供析係  
三京招撫使司臣差往東京探金人動息十二月初六

日到東京探得四太子十二月初一日自燕京起發到  
東京安下處不定穩於初七日到蔡河上何太尉宅前  
見有敵人并老小於五岳觀至南春門街上人家內住  
滿并宣德門正西至大佛寺及封丘門并百王宮各有  
女真安下在京女真并老小共有數十萬人內正軍止  
有約五六萬人騎多有河北簽軍及於十一月初十日  
穩見四太子犒設在京女真銀絹及散乾糧并箭鑿不  
住點檢及每人要附帶糧三斗及見東京人及女真說

待於正月初五日會合諸路軍馬連老小一發起奔向南前來及說一路兵取廬州奔馬家渡過江一路取泗州濠州要來揚州屯大寨取潤州過江一路取海州一路奔漢上去及見說四太子指揮每一箇千戶要悶葫蘆三千箇要過淮南敵人過淮後降底人便擄不降底都殺穩為知得敵人準備起發遂於十五日早出東京宋門前來沿路見山東河北人民不絕般運糧斛往洪州亳州順昌府前去稱積聚準備般向南來與軍喫及

所般糧斛人車路上千萬無數申聞事并小貼子續據  
本州差出探事人甯青在壽春府探得敵人見在壽春  
府界地名蘇村闕園下寨并十二月二十七日晚又聞  
得敵人船數十隻在惠公渡住泊及敵將四太子人馬  
起離陳州前來順昌府及見今壽春府并雷統制人馬  
各上城分地分守禦伏乞照會

右檢會諸處探報敵人要分路過淮作過正月九日  
奉聖旨劉下韓世忠張俊劉錡照會緊切措置隄備

仍行下所隸州縣保聚人民以防抄掠及劄下岳飛  
照應措置如探得兵馬果來渡淮即遣發精銳軍馬  
腹背掩殺牽制各具知稟聞奏今劄送湖北京西路  
宣撫使兼河南北諸路招討使岳少保依已降指揮  
施行

令江上諸屯互相策應防敵窺伺省劄

三省樞密院同奉聖旨江上雖已分定地分仰上連下  
接互相照應或敵人少有窺伺許關報併力掩殺如不

相策應致誤國事並按罪輕重必行典憲

右劉送湖北京西路宣撫使兼河南北諸路招討使  
岳少保疾速施行

照會四太子勾諸處軍馬攻打楚州省劄

樞密院奏准北宣撫判官劉錡申今月五日據金人漢  
兒軍蔡呼敦李添兒并帶到馬二疋前來投拜據逐人  
分析一名蔡呼敦係監軍龍虎大王下千戶秦明郎下  
茂蘓克隨秦明郎相合得監軍前來至正月十四日夜



到壽春府監軍下有六萬人馬盡是馬軍一名李添兒  
係韓將軍下千戶李天保下甲軍隨韓將軍起發前來  
其韓將軍有一萬馬軍於今年正月十四日到壽春府  
與龍虎大王合軍將帶砲九十座及打城器具要攻打  
壽春府排日到城下有本府孫安撫及雷總管軍馬出  
城見陣至十九日夜知得本府無人馬至二十日韓將  
軍與龍虎大王領軍馬過淮河至二十五日到廬州離  
城三十里相接下寨次日早到廬州留下四萬軍馬外

三路都統鎮國總管二人共帶馬軍三萬餘人騎於當日晚到東山口與劉太尉軍見陣至二十九日到西縣住坐差馬軍前去和州遠探見和州有軍馬不曾見陣却回西縣住坐至二月初五日三路都統與鎮國總管帶馬軍二千騎前來尖山要打山寨却見劉太尉軍過河來更不曾打山寨却回西縣呼敦等元未過淮河時聞得頭目官員說國王指揮過淮打據如淞江無軍馬盡回至楚州會合併攻楚州如有軍馬却遣人來喚人

馬在西縣下寨日聞得東關有劉太尉軍馬三路都統  
於二月初一日已遣天使前去壽州赴四太子處勾人  
馬其四太子次第初五日已離壽州約初七日到含山  
縣所有廬州存留下軍馬監軍與邢王接續押來其四  
太子下有馬軍三萬若諸頭項軍馬並到共有萬戶一  
十三人實有九萬來軍馬內馬軍八萬步軍一萬來騎  
所據投降漢兒軍蔡呼敦等供析事宜備錄在前伏乞  
照會申聞事

右三省樞密院同奉聖旨劄下岳飛照會今劄送湖  
北京西路宣撫使兼河南北路招討使岳少保

金匱續編卷十一

欽定四庫全書

金陀續編卷十二

宋 岳珂 撰

絲綸傳信錄卷十一

紹興十一年

差官傳宣撫問省劄

三省樞密院同奉聖旨令張去為一就傳宣撫問湖北  
京西路宣撫司官兵倍支起發一次

右劄送湖北京西路宣撫使司照會準此

照會敵軍韓常等犯界省劄

湖北京西路宣撫使兼河南北諸路招討使岳飛奏據  
德安府屯駐本司統制官龐榮申探得蔡州除舊有敵  
軍韓常等兵馬外又據探報李成押千戶一十五人  
馬約一萬五千餘騎正月十八日已到蔡州除已隄備  
外奏聞事

右三省樞密院同奉聖旨韓常見在淮西劄與岳飛

照會今劉送湖北京西路宣撫使兼河南北諸路招討使岳少保疾速施行

四太子弟將領兵馬作過令并力摧破省劄

二京等路招撫處置使司申今月十七日據本司差探事使臣王用等及問得敵寨走回王二七說桐城縣泉北下兵一萬餘人騎頭首阿勒楚爾大王係四太子親弟將領其兵馬不住四散出沒作過除已更切差人體探外伏乞照旨申聞事

右劄送湖北京西路宣撫使兼河南北諸路招討使  
岳少保照會依累降指揮疾速提兵前來共力破敵  
毋失機會

照會張俊會戰及駐兵去處省劄

湖北京西路宣撫使兼河南北諸路招討使岳飛奏臣  
今月十一日準御前金字牌遞到親劄一通臣即時拜  
恩跪領訖取讀聖訓以金人侵犯淮西已在廬州張俊  
等併力與之相拒令臣提兵合擊或來江州或出蘄黃



繞出其後臣敢不仰體睿眷殫竭愚陋今日臣已抵黃  
州見前去舒蘄州界相度形勢利害看其意向別行措  
置不知張俊等會戰在甚日庶幾臣得以照應奏聞事  
右三省樞密院同奉聖旨檢坐張俊渡江與敵見陣  
獲捷并見今駐兵去處報岳飛照會并檢會今劄送  
湖北京西路宣撫使兼河南北諸路招討使岳少保  
照會韓世忠前去壽春府措置敵兵省劄

淮南東路宣撫處置使韓世忠申恭依聖訓將帶軍馬

水路並進已取三月初三日起發前去壽春府以來措置掩殺敵兵去訖伏乞照會申聞事

右劄送湖北京西路宣撫使兼河南北諸路招討使岳少保照會

韓世忠與四太子兵會戰令諸帥同共措置省劄

淮東宣撫處置使韓太保申世忠初六日早已次招信縣界據濠州申稱今月四日晚敵人馬軍并戰船水陸

已到本州離城一十五里下寨乞速賜遣發軍馬前來  
救援伏望詳酌指揮劄下諸大帥火急前來與世忠會  
合併力破之并小貼子稱世忠見親提軍馬戰船水陸  
並進旦夕與四太子等大兵見陣外伏望速降處分下  
張俊楊沂中劉錡等星夜兼程前來乘虛先占壽春府  
與世忠夾擊併力破之伏候指揮并據濠州申今來  
敵軍劄浮橋見渡人馬過淮南岸乞速賜遣發軍馬應  
援施行

右檢會三月九日已奉聖旨劄下韓世忠張俊岳飛  
楊沂中劉錡依已降指揮疾速提兵前去同共措置  
掩殺已劄下去訖今據前項所申今再劄送湖北京  
西路宣撫使兼河南北諸路招討使岳少保依已降  
指揮疾速施行

報諭北官軍如能擒殺烏珠者除節度使省劄  
樞密院奏勘會烏珠見領兵衆侵犯濠州已委逐路宣  
撫會合措置共力破之今檢會已降指揮兩國罷兵南

北生靈方得休息烏珠不道戕殺其叔舉兵無名首為  
亂階將帥軍民有能擒殺烏珠者見任節使以上授以  
樞柄未至節使者雖庶官亦除節使官高者除使相見  
統兵者仍除宣撫使並賜銀絹伍萬疋兩田壹百頃第  
宅壹區切慮北官軍民不知今來賞格

右三省樞密院同奉聖旨令諸路宣撫司報諭北官  
軍民如能殺併或擒獲來歸管軍民者除拜使相餘  
並除節度使仍各賜銀絹五萬疋兩田壹百頃第宅

壹區今劄送湖北京西路宣撫使兼河南北諸路招討使岳少保疾速施行

將帥軍民如能擒殺烏珠者除官並賜銀絹田宅省劄

樞密院奏勘會烏珠見領兵衆侵犯濠州已委逐路宣撫會合措置共力破之今檢會紹興十年六月十一日奉聖旨將帥軍民有能擒殺烏珠者見任節使以上授以樞柄未至節使者雖庶官亦除節度使官高者除使

相見統兵者仍除宣撫使並賜銀絹五萬疋兩田一百  
頃第宅一區

右三省樞密院同奉聖旨給降黃榜付逐路宣撫使  
曉諭諸軍將士今劄送湖北京西路宣撫使兼河南  
北諸路招討使岳少保疾速施行

令提兵與張俊等腹背破敵省劄

據探報金人見留大軍在亳州今來廬州張宣撫等大  
軍併進前去濠州目即津運錢糧並是經由巢縣柘皋

廬州地分前去慮恐其兵窺伺徑直復犯廬州以來不  
惟邀截糧道兼至大信江口並無阻隔

右檢會三月十日奉聖旨劄下岳飛令星夜提兵前  
來廬州審度事勢前去壽春會合與張俊韓世忠腹  
背破敵已累劄下去訖今再劄送湖北京西路宣撫  
使兼河南北諸路招討使岳少保依已降指揮疾速  
施行

令權暫駐劄舒州聽候指揮前來奏事省劄



三省樞密院同奉聖旨令岳飛先次遣發軍馬回歸量帶親兵於舒州權暫駐劄聽候指揮起發前來奏事具知稟聞奏

右劄送湖北京西路宣撫使兼河南北諸路招討使岳少保疾速施行

令多差信實人過淮間探省劄

樞密院奏勘會敵人進退之際正要詳知動息已降指揮令諸宣撫司不住多差信實人間探日具所探的實

事宜聞奏

右三省樞密院同奉聖旨令諸宣撫司依已降指揮疾速分頭差人過淮深入敵境子細體探目今的實作為動息日具探到事宜聞奏今劄送湖北京西路宣撫使司疾速施行

令差一項軍兵前去郴州討捕駱科省劄

主管荆湖南路安撫司公事梁澤民奏伏為本路見有郴州元授招安賊首駱科等約七八千人侵犯道州錦

田等處倚恃山險創立硬寨接連廣南連賀州界出沒  
猖獗本司已發統領官陳元裴鐸各統所部軍馬前去  
收捕及差全州第九副將向子率將兵前去應援今來  
駱科等賊徒既衆又倚恃峻山絕崖創立硬寨陳元裴  
鐸所統官兵不過一千餘人本司別無官兵可以接續  
應援欲望聖慈詳酌特降睿旨差發軍馬暫來本路收  
捕前項盜賊庶幾早得撲滅以安一路伏候勅旨

右勘會已降指揮令岳飛差發一項官兵前去措置

三省樞密院同奉聖旨令岳飛日下選差統制官將帶軍馬疾速起發前去措置討捕不以路分追襲掩殺須管日近平殄其錢糧令所至路分帥漕應副不管闕誤今劄送湖北京西路宣撫使兼河南北諸路招討使岳少保疾速施行

令體探敵人侵犯光州速差兵應援省劄

權發遣壽春府孫暉奏四月初三日據六合縣狀申當縣於三月二十九日酉時據被擄鄉民趙谷走回到縣

賈到霍丘縣善香鎮監稅朱祐狀稱於三月二十八日晚見說固始縣東二十里遞鋪於二十七日到縣請糧歸鋪得知本縣承光州關報有兵馬侵犯本州其鋪兵及一帶人民至柴家驛往東南閃避并據本府探報將官劉升狀探得六安軍二十八日二十九日節次承關報有金國人馬侵犯光州事由臣除已再差人前去體探的實別具狀申奏外奏聞事

右三省樞密院同奉聖旨劄下岳飛令多差人體探

如有敵人侵犯連差兵應援今劄送湖北京西路宣撫使兼河南北諸路招討使岳少保疾速施行

令措置應援光州省劄

樞密院奏光州申今月初三日據統領田邦直定城知縣高青四縣巡檢劉勢狀申今月初一日酉時探得順昌府金人會合蔡州軍人於今月初一日早出離順昌府分兩頭項來取光州并固始縣約至初三日辰巳時來到城下邦直等遂各即時將帶所部官兵并將官馮

祠馬軍會合前去沿淮上下敵人來路要便處把截掩殺至初二日五更以來到梁安灘南岸深林內遂令步軍於兩壁荻林內暗伏使馬軍在柳林後擺布聽伺北岸敵騎欲明之間果見敵人馬軍約五六百騎自淮河北岸踏淺過河前來邦直等望見放令敵騎入河涉水上南岸未整齟間遂聲鼓步軍齊出荻林更不施放便令徑入其懷用野猪刀大斧一發向前勦殺號令不得所級爭財其敵兵被官兵乘勢掩擊入淮向北奔走邦

直等欲縱兵追襲實為兵少不敢深入遂收兵南岸歇泊切慮敵人不捨復來作過除已再行措置外申乞照會州司契勘知州王刺史已再差將官張受部押官兵前去江淮上下策應外伏乞照會申聞事

右三省樞密院同奉聖旨劄下岳飛措置應援今劄送湖北京西路宣撫使兼河南北諸路招討使岳少保疾速施行

改所管制領將副軍兵充御前省劄



三省樞密院同奉聖旨韓世忠張俊岳飛已除樞密使副其舊領宣撫等司合罷遇出師臨時取旨逐司見今所管統制領官將副已下並改充御前統制統領官將副等隸樞密院仍各帶御前字入銜及令有司鑄印逐一給付且令依舊駐劄將來調發並三省樞密院同奉聖旨施行仍令逐司統制官等各以職次高下輪替入見及委賞功司將未了功賞疾速取旨推恩以俟給付右關送樞密院副使岳少保

罷逐路宣司省劄

三省同奉聖旨已降指揮韓世忠張俊岳飛除樞密使副其逐路宣撫等司合罷所有司屬並優與陞擢差遣統制官等既帶御前入銜下及軍兵並隸密院不得撥屬他處日前或有負犯一切不問並不許相告言令三省疾速行下

右劄送樞密副使岳少保

照會發回所帶人馬歸本處防托把截依奏省

劄

樞密副使岳飛劄子奏臣契勘諸路軍馬已撥屬御前  
今來臣有將帶到親兵等除量留當直人從其餘盡數  
欲乞發遣却歸本處所有鄂州及襄漢等州軍有以前  
發去防托把截人馬及淮東西軍馬伏望睿慈早賜措  
置庶使緩急兵馬侵犯有所統攝不致誤事取進止四  
月二十九日三省同奉聖旨依奏將帶到親兵等量留  
當直人從外餘並日下發遣歸本處其鄂州及襄漢等

州軍以前防托把截人馬及淮東西軍馬自合依舊駐劄聽候御前使喚

右劄送樞密副使岳少保

依張俊例差破宣借人省劄

岳飛劄子奏臣合破宣借親兵人數竊慮樞密院差破不足欲乞依張俊例

右三省樞密院同奉聖旨依所乞今關送樞密副使岳少保

令前去按閱專一任責省劄

勘會已降指揮張俊帶本職前去按閱御前軍馬專一  
措置戰守岳飛帶本職前去同按閱御前軍馬專一同  
措置戰守五月十一日三省同奉聖旨俊飛以樞密職  
事前去與宣撫使事體不同令隨宜措置專一任責節  
次具已措置事目聞奏

右劄送樞密副使岳少保

令帶本職按閱御前軍馬仍赴內殿奏事省劄

五月十三日同奉聖旨已降指揮張俊岳飛各帶本職前去按閣御前軍馬專一措置戰守許令赴內殿奏事  
右劄送樞密副使岳少保

乞追回王剛所帶人數當直使喚省劄

少保樞密副使岳飛劄子契勘飛依奉聖旨見隨行當直人數少使用不足伏乞指揮行下令飛追回近發去將官王剛所帶人數前來當直使喚候指揮五月十四日三省同奉聖旨依

右劄送樞密副使岳少保

添造臨安府所居屋宇省劄

八月二十四日三省同奉聖旨岳飛所居屋宇不足令  
臨安府應副添造

右劄送萬壽觀使岳少保

金陀續編卷十二